

國子監志

國子監志卷二十五

禮志

臣等伏惟祀學之禮。約有六焉。自

臨雍

親祀外。釋奠之禮。官師莅之。釋菜則儀節較簡。釋褐則間歲舉行。至有舉必告。凜乎陟降在庭者。定爾功。允矣。受成于學。粵稽往牒。洵亙古獨隆。與若夫豆登簋簋之

頌。菜盛牲牢之備。彬彬焉。秩秩焉。入廟庭者。宜何如低

佃也。謹輯釋奠

親祀

遣官事例、釋菜、釋褐、

告祭

獻功、祭品、祭器圖說十卷為禮志。

禮志一

親詣釋奠

順治九年秋九月辛卯。

世祖章皇帝視學。

親詣

先師廟釋奠。

順治十七年春正月庚辰以修葺

先師廟工成。

世祖章皇帝親詣釋奠。

康熙八年夏四月辛丑。

聖祖仁皇帝視學。

親詣

先師廟釋奠。

雍正二年春三月乙亥朔

世宗憲皇帝視學

親詣

先師廟釋奠

是年夏六月戊戌以曲阜

聖廟災

世宗憲皇帝親詣國子監告祭

先師孔子

御素服不設鹵簿不鳴鐘不作樂王大臣以下陪祀請

臣竝常服從事。

諭內閣朕惟

孔子道高德厚。為萬世師表。所以維世教立人極者。與天地同其悠久。朕臨御以來。思極尊崇之典。用仰止之忱。今闕里

聖廟被災。豈朕尊師重道之誠。有未至歟。朕在諒陰之中。素服齋居。無庸更事。減膳徹樂。惟謹擬親詣國學

文廟。虔申祭奠。宣讀告文。以展朕跼蹐不安之誠。先

期齋戒二日於二十七日不設鹵簿朕隨身素服前往諸王大臣官員陪祀者亦皆常服從事仍遣官馳赴闕里祭告以慰

神靈幸新建

崇聖祠無恙

聖像神牌不至露處朕心稍寧遣工部堂官一員會同該撫作速計材料工擇日興修務期規制復舊廟貌重新告成之日朕將親詣行禮該部遵旨速行尋

由禮部具奏

親詣

文廟儀注。

諭不陪祀王等大臣官員不必迎送亦不必鳴鐘自東華門出。

謹案告祭例皆

遣官。惟二年七年特舉

親祀之禮。故謹載於此云。

雍正四年秋八月丁亥

世宗憲皇帝親詣

先師廟釋奠。

特命以尚書四人分獻四配以侍郎四人分獻十一哲
東西廡凡進帛爵於

先師皆

行跪獻禮。

諭禮部太常寺儀注內開獻帛進酒皆不跪朕今跪獻
非誤也若立獻於

先師之前朕心實有不安可記檔案以後照此遵行。

雍正六年春二月丁酉

世宗憲皇帝親詣

先師廟釋奠。

世宗憲皇帝御製仲丁詣祭

文廟詩

扶植綱常百代陳。天將

夫子覺斯民。帝王師法成隆治。兆庶遵由臻至淳。道
統常垂今與古。文明共仰聖而神。功能溯自生民後。
地闢天開第一人。

世宗憲皇帝御製詣太學詩

辟雍親莅止。典禮重參稽。管籥仍魚雅。威儀自整齊。
禮門資至化。義路膺羣黎。永翊文明治。休徵共受禔。
其二

善俗禮為本。仁民域可躋。崇儒申術教。造士列東西。
共式習如性。咸成璋與珪。興賢勤寤寐。振德日提撕。
雍正七年大學士等以闕里

大成殿上梁。慶雲呈現。奏請

宣付史館。

諭內閣。朕平素尊崇

先師至誠至敬。雍正二年。闕里

文廟不戒於火。比時廷臣援明代宏治前事為言。而朕心悚懼不寧。引過自責。親詣太學

文廟。虔誠告祭。特發帑金命大臣等督工修建。凡殿廡制度規模。以至祭器儀物。皆令繪圖呈覽。朕親為指授。遴選良工。庀材興造。虔恪之心。數年以來。無時稍閒。今

大成殿上梁前二日。慶雲現於曲阜。卿等歸美朕躬之詞。朕不克當。或者

上帝

先師鑒朕悚惕誠敬之心。現茲雲物昭示瑞應。朕不敢矜言祥瑞。但能功過相抵。朕之幸也。應擇日躬詣太學。

文廟告祭。以申感慶之衷。一切禮儀。著該部速議具奏。朕躬被

先師之福佑。普天士子。誦法服膺。同受

聖人之澤。著將明年會試。取中額數。廣至四百名。壬子科各省鄉試。每正額十名。加中一名。其十名之外

有零數者。亦加中一名。此朕體奉

先師樂育之盛心。特行造就人才之曠典。諸士子其各興文敦行。益加勉旃。所請宣付史館之處。知道了。是年冬十二月辛酉。

世宗憲皇帝親詣國子監告祭

先師孔子。

世宗憲皇帝御製太學

文廟祭文

金聲玉振。集神聖之大成。霞蔚雲蒸。表天人之上瑞。

肅將蘋藻。奉告几筵。仰維

先師孔子。德邁皇王。學該河洛。綜五百年之傳緒。聿
峻宮牆。立億萬代之師模。永光俎豆。自廟堂之重建。
準宮殿之鴻規。盡誠敬以經營。務尊崇其制度。乃者
將升畫棟。選卜良辰。忽覩卿雲。光輝晴晝。芝英爛漫。
映泗水以霏烟。車蓋輪囷。倚尼岡而結影。當前期之
二日。有開必先。瞻垂象者三時。惟形則著。絢於東國。
顯徵丹雘之祥。耀彼南方。宏闡文明之運。

上帝之凝麻滋至。

先師之降鑒孔昭。實感慶於衷懷。用吉蠲而躬詣。於
戲。羹牆如見。彌殷重道之忱。霄漢為章。佑啓作人之
化。

高宗純皇帝御製雍正己酉仲冬闕里

文廟上梁前二日慶雲見

上躬詣太學致祭恭紀二十四韻

雍正七年

化洽文明世。風登熙皞時。車書九有共。禮樂萬方綏。
至治乾坤應。仁恩草木知。崇儒欽往

聖重道禮

先師特舉

臨雍典。頻行釋奠儀。宮牆新棟宇。殿廡整梁楹。

廟以雍文

正甲辰年重修軒爽盤青鳳。觚稜卧赤螭。栴成輝玉碣。棗立

煥松楸。上瑞方呈日。卿雲恰應期。非烟籠紫閣。似霧

匝丹墀。挾藻流光遍。懸華曳曜奇。鬱翁承日麗。紉縵

布天垂。文運重離炳。嘉祥衆目窺。守臣封表進。大吏

露章隨。喜氣三宮滿。歡聲九陌馳。龍墀渙大號。

鳳詔凜如絲。

聖德誠光被。

宸衷益慎持。命期勤。

翠輦卜日展。

鸞旗。

詣學行殊典。宏文答景禱。因加登進額。

年會試加至四思旨明

百名壬子科鄉試十名加一名。

用勵作新思。藝苑薰風普。膠庠膏雨

滋。唐虞風更洽。洙泗道逾彌。玉燭綿。

皇祚。金甌鞏。

帝基。萬年綏福履。端拱樂無為。

雍正十一年春二月丁巳

世宗憲皇帝親詣

先師廟釋奠始

行三上香禮

諭禮部朕詣

文廟行禮應親自上香嗣後如何上香之處爾部會

同大學士議奏嗣禮部等會議迎

神後

行三上香禮

諭禮部。嗣後親詣行禮。於香案前行三上香禮。

乾隆三年春二月丁酉。

聖廟易用黃瓦工成。

高宗純皇帝親詣

先師廟釋奠始

行三獻禮。

諭禮部。

先師孔子。聖集大成。教垂萬世。我

皇祖聖祖仁皇帝。

皇考世宗憲皇帝。

親詣辟雍登堂釋奠。儒臣進講經書。諸生國橋觀聽。雍
雍濟濟。典至盛也。朕祇承丕緒。嚮慕心殷。國學
文廟。特命易蓋黃瓦。以展崇敬。俟工程告竣之日。朕
躬詣釋奠。用昭重道隆師。作人造士至意。應行典禮。
爾部詳議具奏。

又

諭內閣。本年春祭

文廟。朕降旨親詣行禮。查

文廟春秋二祭。舊例俱是遣官。我

皇考尊師重道。始定親祭之禮。間年舉行。乃從前所未有者。今覽太常寺奏進儀注。朕躬獻爵一次。其亞獻三獻之爵。預先陳設香案上。朕思既行親祭。仍當從三獻之儀。著太常寺另繕儀注進呈。

是年三月甲寅。

高宗純皇帝視學。

親詣

先師廟釋奠。

乾隆五年秋八月丁未

高宗純皇帝親詣

先師廟釋奠

高宗純皇帝御製庚申仲秋丁祭

先師孔子詩

法

祖恢文德崇儒禮

素王。晨光開輦路。露氣浥旂常。寅祀心恒凜。丁辰日
正陽。皇皇陳禮樂。肅肅對宮牆。言念百王後。身登

夫子堂君師誠有愧。仰止志方長。

乾隆九年春二月丁亥。

高宗純皇帝親詣

先師廟釋奠。

高宗純皇帝御製甲子二月上丁釋奠

先師孔子詩

靈春惟仲月。吉日值丁辰。禮樂尊先進。詩書淑兆民。
宮牆增慕永。俎豆薦馨新。敢謂百王後。能傳一脈真。
承筐將素幣。獻爵列儒臣。試問得門者。誰為不愧人。

乾隆十八年秋八月

諭太常寺春秋釋奠例應遣官朕自往歲恭謁

孔廟行禮後已閱五年仰止宮牆心殷景慕此次親詣行禮

崇聖祠遣史貽直行禮

是月丁亥

高宗純皇帝親詣

先師廟釋奠

高宗純皇帝御製癸酉仲秋釋奠

先師孔子詩

高居詎恃九重尊。丁祭親承率駿奔。山海從來欽出類。宮牆何有得其門。樂音六奏非鐘鼓。禮器千年復簋罇。經席乍臨今釋奠。躬行未逮敢他論。

乾隆二十一年春二月丁未。

高宗純皇帝親詣

先師廟釋奠。

特命衍聖公孔昭煥陪祀。

謹案舊制惟

臨雍盛典。部臣先期行取。衍聖公等來京陪祀觀禮。
釋奠則否。時孔昭煥適入。

觀故有是

命。

高宗純皇帝御製丙子仲春釋奠

先師詩

經筵昨甫過。釋奠此親臨。寧僅崇文典。惟殷望道心。
衣冠集魚雅。殿幕仰深沈。道法參天地。

神依貫古今。千年綿後裔。

聖裔襲封衍聖公孔昭煥是日適陪祭。

六佾

協元音。

聖藻光楣枳。

大成殿內。

皇考皆留匾。

皇祖

君師貴竝欽。

乾隆三十四年春二月丁亥大修

先師廟工成。

高宗純皇帝親詣釋奠。

高宗純皇帝御製己丑仲春上丁釋奠

孔子并落成國學卽事詩

國學維新逮落成躬承

丁祭致寅精。經綸萬古歸。

陶冶。

道德千秋示典程。祇覺行難增以愧。未能言。

贊出乎誠。

見近作重修國學碑記。

兩朝題額奎章煥。心法由來治法并。

子曰三年必有成。虞傳惟一與惟精。益滋宵旰寸心。

慝。敢詡治安百世程。周鼎載陳古如式。

釋奠前出內府所藏周範

鼎尊。卣壺。簠。簋。觶。爵。洗。各一。供大成殿中。用備禮器。春芹敬薦潔為誠。試看。

陪禮來東魯。

時行聖公孔昭煥聞命自曲阜先期赴京陪位將事。

教澤旃幃奕葉并。

乾隆四十八年春二月丁卯。

高宗純皇帝親詣

先師廟釋奠。

高宗純皇帝御製癸卯仲春丁祭

先師禮成述事

月令徒聞釋上下。用丁義未著明經。

月令仲春之月。上下命樂正習。

舞釋義。陳澹法。用丁者。以先庚三日。後甲三日。蓋襲易解。與釋奠之義無涉也。月令始見呂覽。漢儒編入戴記。其所以用上丁之義。原未有明文。因思說文釋丁云。丁承丙象人心。用丁之義。或指堯舜傳心之學。

而夫子承之。兩者明也。在明明德。象心承丙前賢注。即明心也。是或釋奠用丁之義乎。

內聖外王後世型。疏十四年增怵惕。當春仲月敢稽

停。

昨春恭錄歷年

中祀禮成詣什成冊。并識云。

師。精力尚可將事。且自己丑至。今越十四年。因仍親詣行禮。擬仍明歲奠

闕里。重道猶應勵艾齡。

乾隆五十年春正月丁巳以

辟雍工成。

高宗純皇帝親臨閱視。

詣

先師廟行上香禮。

謹案是日值忌辰。本監堂官不掛朝珠。但穿天青褂。或貂褂。

駕到。於成賢街樞星門之東。站班。
回宮。於集賢門之西。站班。

是年二月丁亥。

高宗純皇帝肇建辟雍。

臨雍講學。

親詣

先師廟釋奠。

高宗純皇帝御製乙巳仲春釋奠

先師孔子禮成有述

考古今春舉辟雍。虔因釋奠致寅恭。于焉敬對

神如在。遑不深思道所從。實願樸莪作舟楫。詎徒觀

禮聳羔縫。武公耄耋猶勤學。予少去於伊志敢慵。

乾隆五十五年春二月丁巳。

高宗純皇帝親詣

先師廟行釋奠禮。

高宗純皇帝御製仲春丁祭

至聖先師禮成述事

挈壺宣夜告時良。載奠椒芹禮

素王。

中祀八旬躬致敬。

昨以壽將八旬。擬歸政前。凡廟大祀。歲仍躬親。

至。中祀之例。應遣官者。亦欲親祭。一週。以盡予職。是以去春於先農壇。

文廟丁祭。幼攻老勗。志彌長。辟之期。自當親詣釋奠。用符夙願。

雍重建曾憑席。辟雍為天子之學。元明以來。未備其制。癸卯春。命於太學。藝倫堂前。詳稽

古制。初建園水。甲辰冬。告竣。遂於乙巳上丁躬詣薦歆。茲親臨講席。以致寅恭而光典禮。

闕里將臨祇面牆。今歲東巡當仍詣闕里致虔以深景仰。而數十年欽承至教返之

躬行莅政猶覺未敢自信耳。踐阼承

天五十五。君師兼責愧難當。

高宗純皇帝御製庚戌

釋奠禮成有作

禮成

釋奠暇餘。纒周視宮牆。慢駕歸。禮成後於彝倫堂用膳視事。因周覽廟學以

誌徘徊。依戀之忱。久甃圓橋泓一沼。古碑雍在郊外。或引水為之。今建於廟右。彝

倫堂前。其地乏水。因開四井以供汲用。所為復古而不泥古也。今過之。見甃石鱗次。清流盈尺。澄涵渟漑。

具有風水。新築十鼓列前扉。近以周宣王石鼓所存成文之致。三百十字排次成什。即命亦刻十鼓。置戟門南左右。今已觀成。詳見前所製序。胥關重道崇文舉。更識務虛鮮聲實非。望不入經七十載。予自六歲讀書。至今七十四載。舉成也。劉瞻欲去尚依依。

乾隆六十年。

諭內閣朕自臨御以來恭遇

郊

廟大祀無弗祇肅躬親。即

中祀之禮亦多親詣舉行。嗣因年屆八旬曾經降旨。

所有

中祀典禮如

先農

朝日

夕月等壇俱於八旬前兩年內以次親祭一週原因
年壽日高恐筋力或有不逮是以

中祀之禮於五十五年後不復親行今思

先師孔子道集大成師表萬世朕自冲齡服膺聖教
久而無倦凡行政典學悉皆得自心傳况丙辰年卽

係歸政之期。本年為朕御極六十年。二月上丁。允宜展禮宮牆。用申企慕。此次文廟釋奠。朕親詣行禮。以昭崇儒重道之誠。其應行典禮。著該衙門照例豫備。

二月丁巳。

高宗純皇帝親詣

先師廟釋奠。是年

辟雍新刊石經告成。

親臨閱視。

高宗純皇帝御製乙卯仲春丁祭

至聖先師禮成述事

踐阼年當

天數慶八旬五豈易為望

予初登大寶默奏帝願得在位六十年即當傳

位彼時予二十五歲亦未計及屆期當壽躋八十五歲斯豈人生易得之事至五十餘歲方始念及孜孜

自勉敬

天愛民求盡予職以俟

昊

幸至今歲得符初願自古帝王莫不仰承

春如我朝祖孫兩代享國一百二十餘年稽之史牒從未有聞感邀鴻祐亦豈語言所能

殫述茲距明年丙辰傳位近祇一年自揣精力康強若不益加惕勵不惟不敢亦有所不忍也幸蒙

昊貺符心願感謝

師承叩已獲。莅政臨民惕宵旰。志于心欲仰宮牆。石
經。叢準全刊壁。內府舊藏蔣衡手書十三經冊。壬子
命翰臣詳加校覈。選工刊石。列於辟
雍兩廊。以為萬世崇文重道之規。今歲乙卯告成。因
於釋奠後。親臨閱視。貞珉林立。允堪壽世。較漢
唐以來三字一字之刻。庶幾過之。三一參差勝漢唐。

高宗純皇帝御製乙卯

釋奠禮成御辟雍敬憶

皇祖詩句因示皇子及諸大臣有作

六句在位孫同

祖恭憶

神堯兩句詩而我其時猶侍

母

禮云子事父母恒言不稱老予奉侍天下養其時予年六十有餘從不敢言老敬

聖母以

皇祖御製避暑山莊三十六景詩有素學臣鄰老

者年自不知之句。皇祖八齡踐阼至六十年

正當六十餘歲已可言老予以

吳眠而

慈寧在御駕

福過於予之

恩諭所為

先見之明

下。今禮成御辟雍召見皇子皇孫及諸大臣諭及於

此實我國家積祥為自古未有之盛事予今年八十

有五紀元六十年回憶七歲從師廿五御極請

孔子書思以驗諸躬行見諸實政非徒以飾章繪句

為事一切勅幾國治庶幾仰遵先師大訓不負

門牆本日釋奠禮成天氣晴和初日澄朗愈欽

契召降鑒允宜加恩庠序以光盛典因降旨於下次

歲試普增各省府州縣學學額並免國子監肄業生

徒坐監一月。稽自四門立學以來。幾見有耄耋之年。
躬祀上丁。退臨圓水。念祖崇師嘉惠下
學。如今日者。予乾惕仰承實榮愧交集耳。蒙

天錫壽敢忘

師欲詢百帝誰會此。深惕一身幸獲茲。

釋奠禮成辟雍坐。愧為榮用敬摘辭。

仁宗睿皇帝御製恭和

高宗純皇帝御製乙卯

釋奠禮成御辟雍敬憶

皇祖詩句因示皇子及諸大臣有作元韻 乾隆六十年

上丁展敬宮牆近景仰當年

仁祖詩。學列石經排石鼓。道開

先聖繼

先師。

十全懋績光昭遠。萬世斯文永在茲。復古辟雍非泥古。

循

名務實紀

鴻詞。

嘉慶元年春二月丁丑。

仁宗睿皇帝親詣

先師廟釋奠。

仁宗睿皇帝御製仲春朔日

文廟釋奠禮成敬述

萬世儀型著

素王。上丁展祀近宮牆。心傳賅備君師緒。道統昭回
日月光。誦讀經書欽敬守。服膺謨訓凜毋忘。馨香俎
豆躬承獻。涼德深慚益自養。

嘉慶三年春二月丁酉。

仁宗睿皇帝恭奉

高宗純皇帝教旨。

臨雍講學。

親詣

先師廟釋奠。

仁宗睿皇帝御製仲春次丁

文廟釋奠禮成敬述六韻

釋奠重丁祭。親登

夫子堂。餽芬陳俎豆。赫奕近宮牆。道溯危微遠。典昭

日月光傳心尊往

聖圖治繼吾

皇三獻儀垂緒。六成樂奏章。禮竣仍視學。承

訓右文彰廟。

皇父於乾隆三年戊午釋奠。御太學彝倫堂講學。連四十八年。

癸卯肇建辟雍。甲辰冬告成。遂於乙巳二月上丁釋奠。御辟雍殿講學。為復古上儀之始。予承

惟遵右文之旨。紹舉茂典。敬仰訓。壺壺率先為首務也。久道化成。薰陶涵育。

嘉慶七年春二月丁未。

仁宗睿皇帝親詣

先師廟釋奠

仁宗睿皇帝御製仲春上丁日

文廟禮成敬紀

戊午仲春躬釋奠。三年守制未親行。

訓昭萬禩。欽常典。道貫兩間。集大成。詩書服膺。循法則。
金絲叶律。奏韶韻。帛罇敬獻。宮牆赫。仰止心。彌惕捧
盈。

嘉慶十六年春二月丁亥

仁宗睿皇帝親詣

先師廟釋奠

仁宗睿皇帝御製仲春釋奠

文廟禮成敬述

洙泗源開道統長。瞻依愧未陟門牆。

聖功義闡經書奧。文運天輝日月光。萬古帝王循

教化。千春俎豆薦馨香。臨民立極期無忝。學業勤修
等望洋。

嘉慶二十二年春二月丁丑。

仁宗睿皇帝親詣

先師廟釋奠。

仁宗睿皇帝御製仲春釋奠

文廟禮成敬述

中祀躬行近六旬。上丁練日展精禋。道源繼述一心
勉。

師表昭垂萬世遵。闡教敷仁宣

聖化。守成養正格愚民。法言幼誦未融洽。建始治功
在立身。

嘉慶二十五年春二月丁亥。

仁宗睿皇帝親詣

先師廟釋奠。

仁宗睿皇帝御製上丁致祭

文廟禮成敬述

告朔上丁應仲春。躬行釋奠展明禋。

聖昭百世言功德。道貫一源天地人。俎豆惟馨帛罇
潔。簫韶叶律禮儀彬。川流敦化大成集。未涉門牆已
六旬。

道光二年。

諭內閣。

國子監志

卷二十五

禮志一
見前

七

先師孔子。德配天地。道冠古今。我朝

列祖

列宗。暨我

皇考仁宗睿皇帝。

親詣釋奠。臨雍講學。多士圍橋觀聽。洵盛典也。朕寅紹
丕基。心誠嚮慕。謹於明年仲春上丁。親詣辟雍。登
堂釋奠。用昭崇師重道。稽古右文之意。其應行典
禮事宜。著各該衙門先期敬謹豫備。

道光三年春二月丁未。

皇上親詣

先師廟釋奠。

皇上御製仲春

文廟釋奠禮成敬誌

海寓同文明

至德躬親釋奠。矢微誠。儒宗百世垂名教。道統三才
集大成。風過鑪烟香吐馥。韻流金石律和聲。升堂
叩拜欽。

先聖御世心傳戒滿盈。

釋奠之文載在禮經所以尊
師重道典至鉅也朕嗣位之

三年。謹於仲春丁未。躬親祀事。念宗之心法。欽祖先師之微言。保泰持盈。益深

寅畏。

是月癸丑。

皇上臨雍講學。

親詣

先師廟釋奠。

道光九年春二月丁卯。以平定回疆。生擒逆裔

至京。

皇上御午門受俘。

親詣

先師廟釋奠。

謹案獻功例皆

遣官。此次

皇上受俘禮成。次年仲春上丁。

親詣釋奠云。

仁宗睿皇帝御製仲春上丁奉

命祭

文廟恭紀八韻

乾隆五十七年

秩祀仲春候報功仰

素王。餽香排俎豆。盛蹟煥宮牆。百世乾坤竝。千秋日月光。右文欽

聖主。垂教贊義皇。三獻儀陳帛。六成樂奏章。金絲忻入室。詩禮夙趨堂。出震勲猷大。上丁典制詳。

熙朝承沛澤。

昭格靖遐方。

皇上御製奉

命釋奠禮成恭紀

嘉慶十年

仲丁釋奠上丁詳銜

命欽瞻

夫子堂。義聞文明垂至理。心傳洙泗紹先王。禮終三
獻虔彌切。器重千年德益彰。天地同參師萬禩。覃
敷教澤總難忘。

皇上御製奉

命仲秋釋奠

文廟禮成恭紀

嘉慶十九年

質明祀事拜堂前。堂下蒼松不計年。韶韻初和熙

世樂鼎鑪猶帶古時烟。周彝法器千秋仰。石鼓遺
文億世傳。景行謨猷增敬慕。德功光闡後先天。
皇上御製仲秋八日奉

命致祭

文廟恭紀 嘉慶二十四年

仲秋釋奠拜堂前。羽籥儀崇自昔傳。古柏森沈溥
曉露。周彝肅穆裊祥烟。正心誠意人倫備。繫易刪
詩道統全。緬憶

素王師百世。斯文共仰盛時宣。

謹案

文廟春秋釋奠

國初定例

遺官。原志故不詳載。恭讀

仁宗睿皇帝味餘書室定本。我

皇上養正書屋定本。編載奉

命詣

文廟釋奠恭紀詩。仰見

聖

聖隆儀早契

心傳之合。皇皇祀典。彌增

師道之光。因謹錄如右云。

○
親祀儀注

乾隆三年增定

先期一日。樂部設中和韶樂於

大成殿外階下。分左右懸。至日五鼓鑿儀衛設

法駕鹵簿於

午門外。日出前六刻。太常寺卿詣

乾清門告時。

皇帝御祭服。乘禮輿。出宮前引後扈。如常儀。
駕發警蹕。

午門鳴鐘鼓。

法駕鹵簿前導。不陪祀。王公百官。咸朝服跪送。導迎。
鼓吹。設而不作。

皇帝至廟門外降輿。贊引太常寺卿二人恭導。由中
門入。至更衣大次少憩。太常寺卿奏請行禮。

皇帝出大次。盥洗。贊引官恭導。

皇帝入大成門中門由中階升入殿中門至拜位前
北嚮立太常寺贊禮郎引分獻官至階下夾角
道立鴻臚寺官引陪祀王公在殿外階上百官
在階下左右序立均北面典儀官贊樂舞生登
歌。執事官各共迺職。以下自迎神至送神皆典儀官唱贊文舞六
佾進贊引官奏就位。

皇帝就拜位立迺迎

神司香官奉香盤進司樂官贊舉迎

神樂奏昭平之章。凡舉樂皆司樂官唱贊贊引官奏就上香位

恭導

皇帝詣

先師香案前立。司香官跪進香。贊引官奏上香。

皇帝立上炷香。次三上瓣香。奏復位。

皇帝復位。立。奏跪拜興。以下行禮皆有奏。

皇帝行二跪六拜禮。王公百官均隨行禮。奠帛行初

獻禮。司帛官奉篚。司爵官奉爵。進奏宣平之章。

舞羽籥之舞。司帛官詣

先師位前跪獻。三叩。司爵官詣

先師位前立獻。奠正中。皆退。分獻官各詣四配。十二哲。兩廡先賢先儒位前。上香奠獻如儀。司祝至。祝案前跪。三叩。奉祝版跪案左。樂暫止。

皇帝跪。羣臣皆跪。司祝讀祝畢。詣

先師位前。跪安於篚內。三叩退。樂作。

皇帝率羣臣行三拜禮。興行亞獻禮。奏秩平之章。舞

羽籥之舞。

舞同初獻

司爵官詣

先師位前獻爵。奠於左。儀如初獻。行終獻禮。奏敘平

之章。舞羽籥之舞。

舞同亞獻

司爵官詣

先師位前獻爵。奠於右。儀如亞獻。分獻官以次畢獻。均如初。樂止。文德之舞退。乃徹饌。奏懿平之章。徹饌畢。送。

神。奏德平之章。

皇帝率羣臣行二跪六拜禮。有司奉祝。次帛。次饌。次香。恭送燎所。

皇帝轉立拜位旁。西嚮。候祝帛過。復位。樂作。祝帛燎半。奏禮成。恭導。

皇帝由大成中門出。

皇帝至更衣大次內樂止至廟門外陞輿

設案雍正四年所定儀注無上香禮爲止一獻

餘同今儀。

○各衙門承辦

親祀事宜

凡恭遇

皇帝釋奠

先師廟工部於祀前一日自

先師廟門內至

大成殿門外。鋪設椽毯。又恭設大次於大成門東。其

大成殿四配十二哲分獻官。

崇聖祠承祭官。由太常寺前期奏派。

大成殿司香司帛司爵。俱用太常寺官。

崇聖祠分獻官。司香帛爵官。

大成殿兩廡。

崇聖祠兩廡。分獻官。司香帛爵生。由國子監自行揀派。移會太常寺。餘與

遣官釋奠同。

○國子監承辦

親祀事宜

先期移文太常寺查取

親祀典禮。工部恭設大次。並取鋪設椽毯工役於集賢門外。柵欄門以內。平墊黃土。鑿儀衛領應差廟戶等。紅駕衣二十件。帽二十頂。帶二十條。翎二十根。餘行事宜。並與丁祭同。